



შირაკი

SHIRAKI

www.open.ge

გამოდის 1937 წლიდან

დადოვლისწყაროს მუნიციპალიტეტის გაზეთი

№15 (9.777)

22-29 აპრილი 2017 წელი

ფასი: 50 თეთრი

ყოველკვირეული გამოცემა



მმ.2

სოფლის მეურნეობის სამინისტროს წარმომადგენლები დედოფლისწყაროში

მოსახლეობასთან უეხვედრები გრძელდება



მმ.3



მმ.2

მეფუტკრეობის კომპერატივის განვითარების სახელმწიფო პროგრამაში რეგისტრაცია დაიწყო



მმ.2

22 აპრილს დასუფთავების კვირეული იწყება

რესპუბლიკური პარტია ჩემი წარსულია



მმ.3



მმ.4

მოგ წაურთბა დედამიწის გარშემო...

დედოფლისწყაროელების სამი ოქრო



მმ. 8



ფსტივალისაგან გამარჯვებით დაბრუნდნენ

მმ.5

გიორგი კვირიკაშვილი - მოხარული ვარ, რომ საქართველოსა და უნგრეთს შორის წარმატებული თანამშრომლობა ჩამოყალიბდა

მოხარული ვარ, რომ წლების მანძილზე საქართველოსა და უნგრეთს შორის მრავალი მიმართულებით მტკიცე და წარმატებული თანამშრომლობა ჩამოყალიბდა, - ამის შესახებ საქართველოს პრემიერ-მინისტრმა გიორგი კვირიკაშვილმა უნგრეთის პრემიერ-მინისტრ ვიქტორ ორბანთან შეხვედრის შემდეგ გამართულ ერთობლივ პრესკონფერენციაზე განაცხადა.

გიორგი კვირიკაშვილის შეფასებით, თანამშრომლობის პოზიტიურ ზრდაზე მეტყველებს პოლიტიკური ურთიერთობის სიხშირეც, რაც ორმხრივი ვიზიტებისა თუ საერთაშორისო ფორუმების ფარგლებში გამართული შეხვედრების ინტენსივობაში გამოიხატება.

„იმავდროულად, მიზნად ვისახავთ სავაჭრო-ეკონომიკურ სფეროში თანამშრომლობის კიდევ უფრო გაფართოებას და საინვესტიციო პოტენციალის მაქსიმალურად გამოყენებას. ამ კუთხით, კმაყოფილებით აღვნიშნავ უნგრული კომპანიების მხრიდან ინტერესის ზრდას საქართველოში ინფრასტრუქტურის, ენერჯეტიკის, სოფლის მეურნეობის, სასტუმრო ინდუსტრიის, თუ სხვა მნიშვნელოვან სფეროებში დაგეგმილი პროექტებისადმი.“

იმედს გამოვთქვამ, რომ ეკონომიკური კავშირებისა და ბიზნესკონტაქტების გააქტიურებას მნიშვნელოვნად შეუწყობს ხელს დღევანდელი ბიზნესფორუმიც, - განაცხადა კვირიკაშვილმა.

აღსანიშნავია, რომ დღეს ხელი მოეწერა რამდენიმე შეთანხმებას, მათ შორის, ეკონომიკური ხასიათის დოკუმენტებს, რაც ასევე სასარგებლო წინაპირობაა თანამშრომლობის შემდგომი გაღრმავებისათვის.

„აღსანიშნავია საქართველოში უნგრელი ტურისტების მზარდი მაჩვენებელი, რასაც ქუთაისსა და ბუდაპეშტს შორის არსებული პირდაპირი რეისებიც უწყობს ხელს. მისასალმებელია, რომ 2016 წლის სექტემბრიდან, უნგრული ავიაკომპანია ჭიზზ აირ ქუთაისის საერთაშორისო აეროპორტშია ბაზირებული, - განაცხადა გიორგი კვირიკაშვილმა.“

მისივე თქმით, წელს აღინიშნება საქართველოსა და უნგრეთს შორის დიპლომატიური ურთიერთობების დამყარების 25 წლის იუბილე.

„ამ პერიოდში მიღწეული შედეგებით, მართლაც, შეგვიძლია ვიამაყოთ. დასაფასებელია, რომ უნგრეთი მუდმივად აფიქსირებდა და დღემდე აფიქსირებს ურყევ მხარდაჭერას საქართველოს სუვერენიტეტის, ტერიტორიული მთლიანობისა და, ასევე, ევროპული და ევროატლანტიკური ინტეგრაციის მიმართ, რისთვისაც ჩვენს უნგრულ მეგობრებს გულწრფელი მადლობა მინდა გადავუხადო“, - განაცხადა გიორგი კვირიკაშვილმა.

სოფლის მეურნეობის სამინისტროს წარმომადგენლები დედოფლისწყაროში

საქართველოს სოფლის მეურნეობის სამინისტროს სამეცნიერო კვლევითი ცენტრისა და ამავე სამინისტროს სურსათის უვნებლობის სააგენტოს წარმომადგენლებმა დედოფლისწყაროში საინფორმაციო ხასიათის შეხვედრები გამართეს. დედოფლისწყაროელმა ფერმერებმა მცენარეთა დაავადებებთან და მავნებლებთან ბრძოლის მეთოდებთან დაკავშირებით კონსულტაციები სამინისტროს სპეციალისტებისგან მიიღეს. საუბარი შეეხო აგროდაზღვევასაც, რომელიც საქართველოში მესასამე წელია, წარმატებით ხორციელდება.

დედოფლისწყაროში ახლადდამონტაჟებული მეტეოსადგურების დაფარვის ზონაში მყოფმა ფერმერებმა სისტემის მუშაობაზე ისაუბრეს. მათი განცხადებით, სამინისტროს ეს ინიციატივა ეფექტური აღმოჩნდა მცენარეთა დაავადებების წინასწარ განსაზღვრისა და პრევენციისთვის.

შეხვედრებს ადგილობრივი ხელისუფლების წარმომადგენლებიც ესწრებოდნენ.

22 აპრილს დასუფთავების კვირული იწყება

22 აპრილს, დედამიწის საერთაშორისო დღესთან დაკავშირებით, გარემოსა და ბუნებრივი რესურსების დაცვის სამინისტრო დასუფთავების აქციის კვირულს იწყებს, რომელიც საქართველოს ყველა რეგიონს მოიცავს.

გიგლა აგულაშვილმა, შვედეთის ელჩის მოვალეობის შემსრულებელთან საქართველოში მოლი ლიენტან ერთად, „სუფთად ევროპისკენ“ - კამპანიასთან დაკავშირებით ბრიფინგი გამართა. მან საქართველოს მოსახლეობას კამპანიაში აქტიური ჩართვისკენ მოუწოდა, რაც მათი საცხოვრებელი ადგილების, მიმდებარე ტერიტორიებისა თუ წინასწარ შერჩეული ლოკაციების დასუფთავებას ითვალისწინებს.

„სუფთად ევროპისკენ“ - კამპანიაში მონაწილეობას სხვადასხვა სამთავრობო თუ არასამთავრობო სტრუქტურები, დიპლომატიური კორპუსის წარმომადგენლები, სხვადასხვა სამინისტროები, ადგილობრივი თვითმმართველობები, მუნიციპალიტეტები, ბიზნესისა და კერძო კომპანიების წარმომადგენლები მიიღებენ. აქციას ასევე მობილიზაციის, სხვადასხვა უნივერსიტეტების სტუდენტები, საჯარო სკოლები, საზოგადოებისთვის ცნობილი სახეები - მსახიობები, მომღერლები, სპორტსმენები შეუერთდებიან. დასუფთავების აქცია საქართველოს 10 რეგიონის 74 მუნიციპალიტეტში გაიმართება.“

მეფუტკრეობის კოოპერატივების განვითარების სახელმწიფო პროგრამაში რეგისტრაცია დაიწყო



მეფუტკრეობის სასოფლო-სამეურნეო კოოპერატივების მხარდაჭერის სახელმწიფო პროგრამაში რეგისტრაცია დაიწყო და 5 მაისამდე გაგრძელდება. პროგრამის მიზანია სასოფლო სამეურნეო კოოპერატივების საფუტკრე მეურნეობების მატერიალურ-ტექნიკური ბაზის გაუმჯობესება, მეფუტკრეობის პროდუქტების ხარისხისა და რაოდენობის ზრდა და წარმოებული თაფლის მიკვლევადობის უზრუნველყოფა.

პროგრამით გათვალისწინებული კრიტერიუმების დაკმაყოფილების შემთხვევაში კოოპერატივებს, ღირებულების 30%-ად, გადაეცემათ საკუთრებაში არსებული სკების იდენტური რაოდენობა (არაუმეტეს 100 ცალი), 12 ჩარჩოიანი თაფლის საწური (ციბრუტი), თაფლის შესანახი სხვადასხვა მოცულობის (40, 60 და 220-ლიტრიანი) ავზები, რომელთა ჯამური ტევადობა არ უნდა აღემატებოდეს 2 200 ლიტრს, ფიჭის ასათლელი დანა ელექტროგამაცხელებლით და ფიჭის ანათლის ავზით.

იმ კოოპერატივს რომელთა მეპაიეების 50%-ს შეადგენენ დევნილები ან/ და შეზღუდული შესაძლებლობის მქონე პირები, ასევე იმ კოოპერატივებს, რომელთა მეპაიეებს შეადგენენ მხოლოდ ქალები, კაპიტალური ინვესტირება გადაეცემათ ღირებულების 20% -ის ოდენობით.

პროგრამაში მონაწილეს შეუძლია მოითხოვოს ნებისმიერი მისთვის სასურველი აღჭურვილობა როგორც ერთად, ისე ცალკე-ცალკე.

კოოპერატივის მიერ წარმოებული თაფლის ერთი ნიმუში უსაყიდლოდ შემოწმდება საქართველოს სოფლის მეურნეობის ლაბორატორიაში. მონაწილე ასევე მიიღებს ტექნიკურ დახმარებას „თაფლის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2014 წლის 26 დეკემბერის №714 დადგენილების ძირითადი მოთხოვნების დანერგვასთან დაკავშირებით.

პროგრამაში მონაწილე კოოპერატივი ვალდებულია სახელმწიფო პროგრამის ფარგლებში გადაეცემულ სკებში განათავსოს ფუტკრის ოჯახები სკების მიღებიდან 2 წლის ვადაში.

დაინტერესებულ პირებს პროგრამაში რეგისტრაცია სასოფლო-სამეურნეო კოოპერატივების განვითარების სააგენტოს ვებ-გვერდზე (www.acda.gov.ge) შეუძლიათ.

გ ა ზ ა ფ ხ უ ლ ი შ ე მ ო ს უ ლ ა , ლ ე ნ . . .

დედოფლისწყაროს N2 ბაგა-ბაღში გაზაფხულის თემასთან დაკავშირებული ღონისძიებები გაიმართა სხვადასხვა ასაკობრივ ჯგუფში.

გარემოს გაცნობის ეხებოდა შემაჯამებელი მეცადინეობა, რომელიც 4-5 წლიანთა ჯგუფის აღსაზრდელებმა და მათმა პედაგოგებმა ჩაატარეს. მეცადინეობის მთავარი თემა იყო „გაზაფხული მოვიდა“ (აღმზრდელი თამილა ტუხაშვილი, თანამშემწე მაია ზურაშვილი, ძიძა

ნაირა ქაჩაიანი). ბავშვები წარმოადგენდნენ გაზაფხულის თევებს- მარტს, აპრილსა და მაისს. მათ დაახასიათეს თითოეული თვე, გაზაფხულის მოვლენები წარმოაჩინეს გამოცანებით, ლექსებითა და სიმღერებით... იყო მშვენიერი წარმოდგენა „გაზაფხულის ყვავილები“, სადაც ნორჩმა მსახიობებმა სხვადასხვა ყვავილის როლი მოიგეს.

* * *

გაზაფხულის თემას მიუძღვნეს შემაჯამებელი მეცადინეობა 3-4 წლიანთა ჯგუფის აღსაზრდელებმა და პედაგოგებმა (აღმზრდელი მ. ხიუჩენკო-მარინა ჯორკოშვილი, აღმზრდელის თანამშემწე ე. ბენაშვილი, ძიძა მ. მოსეშვილი). ბავშვებმა წელიწადის სხვადასხვა დრო წარმოადგინეს და აღნიშნეს, რომ სუსხიანი ზამთრის შემდეგ გაზაფხული მოდის. მისი მოსვლა ნორჩებმა მერცხალს- გაზაფხულის მახარობელს და ასევე იმ ყვავილებს დაუკავშირეს, რომლითაც დედამინა ირთვება. ნორჩებმა ლექსები და სიმღერები

მიუძღვნეს წელიწადის ამ დროს.

გაზაფხულზე ბუნება იღვიძებს, გარემო ირთვება ათასგვარი ფერებით- ახასიათებდნენ პატარები გაზაფხულს და მეტი თვალსაჩინოებისთვის ზამთრის პერიოდში გაშიშვლებულ ხელოვნურ ხეს თავიანთი ხელით გამოჭრილი ფოთლებითა და ყვავილებით ამკობდნენ. ასევე ააყვავილეს მათ ხელოვნური მინდორი და ნამდვილი გაზაფხული შემოაბრძანეს დარბაზში, რომელსაც ბავშვების წკრილა ხმა ეგებებოდა.

* * *

4-5 წლიანთა ჯგუფმა წარმოადგინა ღონისძიება აღდგომის თემაზე (აღმზრდელი ქეთი გიგოლაშვილი, თანამშემწე ეკა ნიკლაური, ძიძა ეთერ ლობჯანიძე). პატარებმა ღრმა ცოდნა გამოავლინეს აღდგომის თემატიკის ირგვლივ. მათ ახსნეს, თუ რატომ ღებავენ ქრისტიანები წითლად კვერცხებს, რისი სიმბოლოა ჯეჯილი და პასკა: „ამ პასკაში სიტკბო და სითბოა, როგორც დედის გულში, გარედან კი გოლ-



მოსახლეობასთან შეხვედრები ბრძოლაში



დედოფლისწყაროს მუნიციპალიტეტის გამგებლის, ნიკოლოზ ჯანიაშვილის ინიციატივა - „ერთი დღე სოფელში“ გრძელდება. სოფელ სამრეკლოს შემდგომ, 21 აპრილს, გამგებელი სოფელ ოზანის მაცხოვრებლებს შეხვდა. მან ადგილობრივი მოქალაქეებისგან პირადად მოისმინა ის პრობლემები და საკითხები, რაც მათ სოფელში აწუხებდა.

ოზანელებს აწუხებდა გარე განათებისა და სხვადასხვა პრობლემური საკითხები, რომელზეც ამომწურავი პასუხი მიიღეს. ადგილობრივები ხაზს უს-

ვამდნენ იმასაც, რომ რამდენიმე ხნის წინ სოფელში მონტიორი გაათავისუფლეს, რის გამოც ეს დარგი უყურადღებოდ დარჩა და ხარვეზებმა იჩინა თავი.

„თხუთმეტი წელია, ეს კაცი ჩვენი სოფლის მონტიორია. ავი იყო თუ კარგი, როდესაც სოფელში ხარვეზი იქმნებოდა და დენი ქრებოდა, ჩავისვამდით მანქანაში, წავიდოდით და უმალ გააკეთებდა ხოლმე. ამჯერად, ვინაიდან ამ ზონის რამდენიმე სოფელი ერთ ხაზზე ვართ, სხვაგან რომ რაიმე დაზიანდეს, დენი ჩვენც გვეთიშება და ადგილზე არავინ არ გვყავს, რომ ოპერატიულად რეაგირება მოახდინოს და ელექტროენერჯის მიწოდება აღდგეს. ბოლო ხანს გართულდა ვითარება, სხვა სოფლების გამოც გვეთიშება და რთულ დღეში ვართ. ადგილზე უნდა იყოს სპეციალისტი, რომ პრობლემა დროულად აღმოაფხვრას,“ - აღნიშნავენ ოზანელები.

გამგებელმა ადგილობრივებს განუმარტა, რომ „კახეთის ენერჯისტი-ბუცია“ კერძო კომპანიაა და რაიონის ხელისუფლებას მათ მუშაობაში ჩარევის უფლება არ აქვს. მითუმეტეს, ხსენებული კომპანია გაკოტრების რეჟიმში მუშაობს და ფინანსური კრიზისის გამო ეფექტურად ვერ მოქმედებს. გამგებელმა აღნიშნა, რომ მათ პრობლემას კომპანიას მიაწვდის, თუმცა, ისიც სერიოზული პრობლემაა, რომ სოფელს ამ სფეროს კვალიფიციური კადრი არ ჰყავს.

ადგილობრივებმა პრობლემად წამოჭრეს ის საკითხიც, რომ ოზანის ამაღლების ტაძრის მიმდებარედ მაგიდა და სკამები მოშლილია. ითქვა, რომ ეპარქია ამ ადგილზე მამათა მონასტრის დაარსებას გეგმავს, რის შემდეგაც ეს ადგილი ბევრად უფრო განვითარდება და მხოლოდ ამაღლების დღესასწაულზე არ გაიხსნება. მეუფე დიმიტრის ინიციატივით, რომ ტაძარი მუდმივად მოქმედებდეს.

მოგვიანებით გამგებელი ოზანის საბავშვო ბაღსაც ესტუმრა და აღსაზრდელეებსა და აღმზრდელეებს ესაუბრა. აღნიშნა ისიც, რომ ბოლო წლებში რამდენიმე ეტაპად ჩატარებული სარეაბი-

ლიტაციო სამუშაოების გამო ამ ეტაპზე ოზანის საბავშვო ბაღის შენობა ერთერთი საუკეთესოა დედოფლისწყაროში და ბევრი სოფლის ბაღს სჯობია. ითქვა, რომ საუკეთესო მენიუ და გარემო ბავშვებისა და მშობლების კმაყოფილებას იწვევს.

ნიკოლოზ ჯანიაშვილი ადგილობრივებს სოციალური, ინფრასტრუქტურული და სხვა საკითხების უახლოეს პერიოდში მოგვარებას დაჰპირდა.

„წელს ოზანში გზის რეაბილიტაცია იგეგმება, რომელიც საკმაოდ მსხვილი პროექტია. საბავშვო ბაღის ეზოში ატრაქციონებს გავაკეთებთ. მოხერხდება სოფლის შიდა გზები და წინა წლებში დაწყებული გარე განათების პროექტი გაგრძელდება. დარჩენილი უბნების განათებას ვგეგმავთ,“ - აღნიშნა გამგებელმა.

შეგახსენებთ, რომ გამგებლის ეს ინიციატივა გულისხმობს გამგებლის შესაბამისი სამსახურების წარმომადგენლებთან ერთად კვირაში ერთი დღის ხალხთან გატარებას და მათგან პირადად მოსმენას ყველა იმ საჭირობო საკითხებისა, რაც აწუხებთ.

ილია მარტყოფლივი

რესპუბლიკური პარტია ჩემი წარსულია

რესპუბლიკური პარტიის დედოფლისწყაროს რაიონული ორგანიზაციის თავმჯდომარე აკაკი ნატროშვილმა პარტია რამდენიმე წერთან ერთად დატოვა. რამდენიმე დღის წინ დედოფლისწყაროს მუნიციპალიტეტის საკრებულოში ფრაქცია „რესპუბლიკელები“ დაიშალა. აღნიშნულ ფრაქციასაც ნატროშვილი ხელმძღვანელობდა. ის გაზეთ „შირაქთან“ საუბრისას ამბობს, რომ ოპოზიცია დატოვა და ხელისუფლებას შეუერთდა. მისი თქმით, სულ მალე „ქართული ოცნების“ დედოფლისწყაროს ორგანიზაციაში განვერიანდება.

ვთვალე საჭიროდ, რომ ოპოზიცია დამეტოვებინა. ასე ჩათვალეს ჩემმა ფრაქციის წევრებმაც, ზოგმა უფრო ადრე, ლია ნატროშვილმა კი - ჩემთან ერთად. საკრებულომ ცნობად მიიღო ჩვენი ახალი ფრაქციის შექმნის საკითხი. ამჯერად შევქმენით ფრაქცია „ქართული ოცნება“ - ძლიერი მუნიციპალიტეტი. ვთვლით, რომ

დედოფლისწყაროში „ქართული ოცნების“ დაარსების პირველივე პერიოდში აქტიურად ვიყავი ჩართული წინასაარჩევნო კამპანიაში და ამ გუნდის აქტიური წევრი ვიყავი მანამდეც, ახლაც ვაპირებ, რომ ქართული ოცნების რაიონულ ორგანიზაციაში გავეწევრიანდე და მათ რიგებში ვიყო. პირდაპირ გეტყვით, მიმაჩნია, რომ დღევანდელი ხელისუფლება სწორ



4 აპრილს საკრებულოში ახალი ფრაქცია „ქართული ოცნება“ - ძლიერი მუნიციპალიტეტი შეიქმნა, ხოლო 11 აპრილის სესიაზე დეპუტატებმა ცნობად მიიღეს საკრებულოს ფრაქცია „რესპუბლიკელების“ გაუქმების და ახალი ფრაქციის შექმნის საკითხი, რომელსაც ისევ საკრებულოს წევრი აკაკი ნატროშვილი უხელმძღვანელებს.

რაც კი პრობლემური საკითხი იქნება დედოფლისწყაროსთვის, ყველაფერზე ვი-საუბრებით და სხდომებზე განვიხილავთ. არ მოვერიდებით კრიტიკას, რაიმეს დაფარვას, ან პრობლემებზე საუბარს. თამამად შევეხებით საჭირობო საკითხებს. არ არის აუცილებელი, ოპოზიციური წარმომადგენელი იყო, რომ შენს რაიონში არსებულ პრობლემებზე საკრებულოს სხდომაზე ლიად ისაუბრო. რადგან სახელწოდებაში ქართული ოცნება შევიტანეთ, ეს ნიშნავს, რომ ოპოზიციური ფრაქცია არ ვიქნებით, მაგრამ თამამად ვისაუბრებთ და შეძლებისდაგვარად ვიაქტიურებთ. ერთ გუნდში ყოფნა იმას არ ნიშნავს, რომ თვალი დახუჭო ისეთ საკითხებზე, რასაც არ იზიარებ და არ ეთანხმები. ვინც პიროვნულად მიცნობს, იცის, რომ ასეთი ვარ. ყოველთვის ღიად ვსაუბრობი, თუკი რაიმე საჭირობო საკითხი იყო.

რესპუბლიკელები

პარტიის დატოვების მიზეზებსა და სამომავლო გეგმების შესახებ აკაკი ნატროშვილს ვესაუბრეთ:

„2014 წელს, როდესაც ახალი საკრებულოს უფლებამოსილება ცნეს, მაშინვე შეიქმნა ჩვენი ფრაქცია, რომელსაც „ქართული ოცნება - რესპუბლიკელები“ დაერქვა და მასში სამი დეპუტატი გავეწევრიანდით. მას შემდეგ, რაც ჩვენი პარტია კოალიციიდან გავიდა, ჩვენს ფრაქციას სახელი შეეცვალა და „რესპუბლიკელები“ ეწოდა. შემდეგ მოვლენები ისე განვითარდა, რომ პარტია ბევრმა ლიდერმა დატოვა. მათ შორის დავით უსუფაშვილმა და თინა ხიდაშელმა. ჩემი ფრაქციის ერთერთ წევრს ალექსანდრე ბენაშვილს გიგლა აგულაშვილის მიერ პარტიის დატოვებისთანავე სურდა ფრაქციიდან გასვლა. შემდეგ ჩვენც მივიღეთ გადაწყვეტილება, რომ პარტია დაგვეტოვებინა და ფრაქციასაც განახლებული ფორმით გავგრძელებინა მუშაობა. ფაქტი ერთია, რომ მე ამ პარტიიდან ნაწყენი არ წამოვსულვარ და რაიმე კონფლიქტი არ გექნოდა. წლების მანძილზე ძალიან კარგ ხალხთან ვთანამშრომლობდი. მეგობრობა მაკავშირებდა და ეს ურთიერთობა დღესაც გრძელდება.“

რაც კი პრობლემური საკითხი იქნება დედოფლისწყაროსთვის, ყველაფერზე ვი-საუბრებით და სხდომებზე განვიხილავთ. არ მოვერიდებით კრიტიკას, რაიმეს დაფარვას, ან პრობლემებზე საუბარს. თამამად შევეხებით საჭირობო საკითხებს. არ არის აუცილებელი, ოპოზიციური წარმომადგენელი იყო, რომ შენს რაიონში არსებულ პრობლემებზე საკრებულოს სხდომაზე ლიად ისაუბრო. რადგან სახელწოდებაში ქართული ოცნება შევიტანეთ, ეს ნიშნავს, რომ ოპოზიციური ფრაქცია არ ვიქნებით, მაგრამ თამამად ვისაუბრებთ და შეძლებისდაგვარად ვიაქტიურებთ. ერთ გუნდში ყოფნა იმას არ ნიშნავს, რომ თვალი დახუჭო ისეთ საკითხებზე, რასაც არ იზიარებ და არ ეთანხმები. ვინც პიროვნულად მიცნობს, იცის, რომ ასეთი ვარ. ყოველთვის ღიად ვსაუბრობი, თუკი რაიმე საჭირობო საკითხი იყო.

მელიც ახლახან დავტოვე. - ამბობთ, რომ უსუფაშვილ-ხიდაშელის გვერდით იბრძოდით და მათმა წასვლამ დააჩქარა თქვენი ეს ნაბიჯი. უსუფაშვილი უახლოეს ხანში ძალების გაერთიანებას და გააქტიურებას გეგმავს და მისი გამოჩენის შემთხვევაში რას აპირებთ?

- თუ მეგობრობთ, რატომ გაემიჯნეთ, ან როგორ მიიღეს პარტიაში თქვენი ეს ნაბიჯი?

- პარტიას აუფხენი, რისთვის და რატომ ვტოვებდი ამ გუნდს. არანაირი პრობლემა არ შექმნილა, საკმაოდ თბილად დავმორდით ერთმანეთს, დღესაც ვგულშემატკივრობთ და ვკითხულობთ ერთმანეთს. იქ პატრიოტი, ქვეყანაზე შეყვარებული ხალხია, მაგრამ მე ასე ჩა-

- სახელწოდების გარდა, რა სხვაობაა ძველ და ახალ ფრაქციებში?

- უსაქმოდ და ჩუმად არც ვასულ წლებში ვმსხდარვართ. მედიასაშუალებები ყოველთვის ეხსრებოდნენ საკრებულოს სხდომებს და თქვენც ხშირად გინახავთ და გაგიშუქებიათ, რომ ყოველთვის ვაქტიურობდით. ბევრი ინიციატივა შევიდა საკრებულოში, ბევრ მათგანზე მივიღე დეპუტატების მხარდაჭერა, რადგან სწორი მიდგომა იყო. დღესაც მზად ვართ, თუკი რაიმე პრობლემა წამოიჭრა, მისი გადაჭრის გზებზე ვიფიქროთ, გუნდთან ერთად, თუ ცალკე ჩვენს ფრაქციაში. ფრაქციის წესდებაში ცვლილებები შევიტანეთ, მაგრამ არა ძირითადი. პროცედურული ძალა ვართ, ვისწრაფვით ევროპისკენ, ვალიარებდით და კვლავაც ვამბობთ, რომ რუსეთი არის ოკუპანტი და ჩვენი მტერი! ლიბერალური მიდგომები გვაქვს და დემოკრატიისკენ მივიღებთ. გვსურს, უფრო სწრაფი ნაბიჯებით მივალწიოთ ამას.

- ანუ, გამოყვავით რესპუბლიკელებს, მაგრამ რჩებით „ქართული ოცნების“ გუნდში და ხელისუფლების გულშემატკივრად?

თუ უსუფაშვილმა ახალი პარტია დააფუძნა, მისი გამოჩენის შემდეგაც, მე „ქართულ ოცნებასთან“ დარჩენას ვაპირებ. ოპოზიციიდან წავედი. ოპოზიციური პარტია რომ მდომებოდა, ამაზე უკეთეს ადგილს ვერ ვისურვებდი.“

ანალოგიურ მიზეზს ასახელებს ჩვენთან საუბრისას ფრაქციის კიდევ ერთი წევრი ლია ნატროშვილი. ის ამბობს, რომ ბოლო ხანს პარტიის სათავეში ერთპიროვნულ გადწყვეტილებებს იღებდნენ, რაც მისთვის მიუღებელი იყო.

ლია ნატროშვილი: „ბოლო პერიოდში ზედა ემელონებში ადგილი ჰქონდა ერთპიროვნული გადაწყვეტილებების მიღებას. დამეთანხმებით, ეს არასასიამოვნო ფაქტია. მიუხედავად იმისა, რომ პიროვნულად დიდ პატივს ვცემ ქალბატონ ხათუნა სამნიძესა და ქალბატონ თამარ კორძაიას, მაინც გადაწყვეტიტე პარტიის დატოვება. აღსანიშნავია ის ფაქტიც, რომ თავდაპირველად „რესპუბლიკელებში“ ჩემი მისვლა დავით უსუფაშვილის, თინა ხიდაშელის, ძმები ბერძენიშვილების პარტიაში ყოფნამ განაპირობა. დღეს არცერთი მათგანი აღარ არიან პარტიაში. ესეც ერთერთი მიზეზია, რომ პარტია დავტოვე.“

ილია მარტყოფლივი

მოგზაურობა „დედამინის გარემო“...

როცა რაიმეს კეთებას დავაპირებ, ამაში ყველაზე დიდი წვლილი ჩემს ალსაზრდელებს მიუძღვით. ისინი არიან იმ იდეების ავტორები, რომელთა განხორციელებაშიც ვეხმარებით ჩვენ, ბალის აღმზრდელები. დღეს სკოლაში დღელი დაწესებულებების სასწავლო-სააღმზრდელო პროგრამა მოიცავს სწორედ იმ საკითხებს, რომელიც ნაახალისებთ და დააინტერესებთ მათ. ერთ-ერთი ასეთი აქტივობისთვის ავიღე თემა: „მოგზაურობა და ლაშქრობა“ და გადავწყვიტე, გვემოგზაურა დედამინის გარემო, რისთვისაც გამოვიყენე ჩვენი ბალის ეზო, შევადგინე რუკა და ბავშვებიც სიხარულით ელოდებოდნენ იმ დღეს, როცა ვიტყოდით, რომ დღეს კარგი ამინდია და სამოგზაუროდ უნდა წავიდეთ!

მოკლედ, იმ დღით ჩვენი ყრბამული მთელი ბალის ეზო-ყურეს ავსებდა. ზურგჩანთებითა და საჭირთ ნივთებით შეიარაღებულები გავუდგეით გზას. რუკაზე პირველი მინიშნება იყო კიბეზე ჩასვლა. როგორც კი გავარკვიეთ გზის მიმართულება, სიხარულით გავუყვებით გზას. მერე იყო გამოცანე-

ბისა და რუბუსების ამოხსნა, მიმართულებისა და სივრცეში ორიენტირების უნარის გამომჟღავნება.

ახალი დაბრკოლება იყო მთების გადალახვა, რისთვისაც გამოვიყენეთ კიბეზე ცოცვა. ამ ყველაფერს კი ახალი სიხარული სიმღერები და შეძახილები, ამაში კი ჩვენი ალსაზრდელების მშობლებიც იყვნენ ჩართულნი, სხვაგვარად არც იქნებოდა. მთელი კვირა ოჯახში სალაპარაკო თემა ხომ მოგზაურობა იყო, რამაც დიდი ინტერესი გამოიწვია და სურვილი იმისა, რომ ჩართულიყვნენ ჩვენს აქტივობაში.

ხრიოკი ადგილები უდაბნოს გადასალახად გამოვიყენეთ. მოვანყეთ ხელოვნური ჭაობი და ბოლოს მივადექით ზღვას. ზღვას როგორ გავცურავდით, თუ არა-გემით. ჰოდა, გემიც იქვე მოვანყეთ. ბალის შენობის გარე კიბეზე აღვმართეთ აფრები, მივამაგრეთ შტურვალი და დურბინდით ვათვალიერებდით სივრცეს. სწორედ მაშინ გაიგეს პატარებმა, რომ ამ სივრცეს ჰორიზონტი ჰქვია.

რუკაზე ბოლო მინიშნება გვირავი

იყო, რომელსაც განძის ყუთთან მივყავდით. მართალ გვირავს ვერ გავთხრიდით, მაგრამ მაცივრის შესაფუთმა ყუთებმა კი მართლაც გავგინია გვირავის იმიტაცია. ბავშვებმა მოიმარჯვეს პატარა ფანქრები და მუცელზე ცოცვით გაიკვლიეს გზა. განძის ყუთი ბალის დირექტორის კაბინეტში აღმოჩნდა. სანამ ქეთინო მასწავლებელმა ამომწურავი პასუხები არ მიიღო მათთვის დასმული კითხვებზე, იქამდე არ გავგატანა ყუთი. დარწმუნებულები იმაში, რომ ეს ბავშვები ლაღად და თავისუფლად მოაზროვნე თაობას ეკუთვნიან, ამაყები დავბრუნ-



დით ჩვენს ჯგუფში. ხოლო, თუ რა იყო იმ ყუთში, მოგვიანებით გაგიმხელთ...

N1 ბაგა-ბალის 5-6 წლიანთა ჯგუფის აღმზრდელი დალი მამლარაშვილი

გ ა ს ე ი რ ნ ე ბ ა კ ო ს მ ო ს შ ი . . .

20 აპრილს N1 ბაგა-ბალის 5-6 წლიანთა ჯგუფში „კოსმოსში სამოგზაუროდ“ მიგვიწვიეს. ჯგუფის პედაგოგის დალი მამლარაშვილის მიერ განხორციელებული ნებისმიერი აქტივობა განსაკუთრებულ მონონებასა და ქებას იმსახურებს,

-როგორ შეიქმნა სამყარო, რისგან შედგება კოსმოსი, რამდენი პლანეტაა და რა ჰქვიათ მათ, რას ნიშნავს ორბიტა, როგორი ფორმა აქვს დედამინას, ვინ და როდის იმოგზაურა მის გარემო, რა არის გლობუსი, ჭოგრიტი (ტელესკოპი), სად არის საქართველოში უძველესი ობსერვატორია, ვინ იყვნენ პირველი კოსმონავტები, ამ და სხვა უამრავ კითხვას სხარტად და მხიარულად პასუხობდნენ ბავშვები, ბევრი იხალისეს პლანეტა „ვენერაზე“, ეს სახელწოდება კარგად ნაცნობი აღმოჩნდა ბევრისთვის და ასე ხალის-ხალისითა და თამაშ-თამაშით გაეცნენ „საიდუმლოებებს“ პატარა ალსაზრდელები, გაიგეს, რომ სამყაროში დედამინის გარდა სხვა პლანეტებიც არსებობენ, რომ ჩვენი სამყარო უკიდევანოა და ყოველდღიურად მის შესახებ მეცნიერები ახალ ინფორმაციას გვანვდიან.

დაიბ, სანამ ჩვენი ბავშვები ბოლომდე გაიაზრებენ სამყაროს, დედამინისა და კოსმოსის არსს, მანამდე მათ სმენით მესხიერებაში უკვე არსებობს ზოგადი და საკმაოდ მოხერხებულად მიწოდებული ინფორმაცია.

მთლიანად დეკორაციაში იყო ჩასმული თითოეული პლანეტა, ბავშვებმა „იმოგზაურეს რაკეტით“, „გაფრინდნენ მთვარეზე“ კურიოზებითა და სხვა სახალისო თავგადასავლებით.

ლონისძიებში, დაწყებიდან დასრულებამდე, მთლიანად იყო ემოციურად ჩართული ბალის დირექტორი ქეთინო დოლოძე. დალი მასწავლებელს თითოეულ მოქმედებაში გვერდიდან არ სცილდებოდნენ თანაშემწე ელენა პოპიაშვილი და დიდა ია შაკიაშვილი.

ღია მეცადინეობას ესწრებოდნენ ქალაქის ბაგა-ბალების აღმზრდელები და სააღმზრდელო ცენტრის დირექტორი მაია ყოჩიაშვილი -სპეციალისტებთან ნინო კვინინაშვილთან და ეკა პოპიაშვილთან ერთად, რომელთაც ვერ დაფარეს დადებითი ემოციები და აღფრთოვანება გამოხატეს მონაწილე ბავშვებისა და პედაგოგების მიმართ.

21 აპრილს დედამინის კვირეულის ფარგლებში N1 ბაღში მოენყო დასუფთავების აქცია და თითოეულმა ალსა-

ზრდელმა თავისი პატარა წვლილი შეიტანა ამ დიდ საქმეში.

ელზა ხარაშვილი



როგორც მშობლების მხრიდან, ასევე ბალის დირექციისა და სააღმზრდელო ცენტრისგან.

აპრილის თვეში მიმდინარე „დედამინის დღესა“ და „კოსმონავტიკის დღეს“ დაეთმო თემატურად განხორციელებული ღონისძიება ბუნებისმეტყველებაში.



კ ი დ ე ვ ა ც გ ვ ა ს ა ს ხ ე ლ ე ბ ე ნ . . .

გასულ კვირას დედოფლისწყაროს ფოლკლორულმა ანსამბლმა -ჰ.გონაშვილის სახ.სკოლის ხალხური სიმღერისა და ქართული გალობის ვაჟთა ანსამბლმა(ხალხური სიმღერის ხელმძღვანელი- გელა გველუკაშვილი, ქართული გალობის- მარინა მგელიაშვილი),გოგონათა ან-

სამბლმა „მანდილა“(ხელმძღვანელი დალი ელისაშვილი), და ანსამბლმა „დები ლოლაშვილები“ საქართველოს საგუნდო საზოგადოების მიერ ჩატარებულ მესამე ეროვნულ კონკურსში მიიღეს მონაწილეობა. კონკურსის პირველი ტური დედოფლისწყაროდან მონაწილე ანსამბლებმა წარმატებით გაიარეს და უმაღლესი ქულებით გადავიდნენ მეორე ტურში, რომელიც 9 მაისამდეა ჩანიშნული. როგორც ჩვენთან საუბარში აღნიშნა ჟიურიმ, დედოფლისწყაროს გუნდებს წელს განსაკუთრებული გამოხვლა ჰქონდათ, მთელ კახეთში გამორჩეული. სიამაყით უნდა აღინიშნოს ასევე ანსამბლ



„მანდილის“ წევრების-დები ყოჩიაშვილების საფესტივალო დებიუტი, რომელმაც დიდი მონონება დამსახურა ჟიურის მხრიდან, განსაკუთრებით კი შუათანა-ლიზი ყოჩიაშვილის ხმის ტემბრმა.

ამჟამად მეორე ტურისთვის გა-

ძლიერებული მზადებაა, ჩვენმა წარმატებულმა ბავშვებმა მიიღეს მოტივაცია, კიდევ უფრო მეტი შედეგით წარსდგნენ მაღალი რანგის შემფასებელთა წინაშე და კიდევ უფრო მაღალი შედეგი აჩვენონ ჩვენი დედოფლისწყაროს სასახელოდ.

როგორც უფალი, სამშობლოც, ერთი ქვეყანაზედა

დედოფლისწყაროს N 2 საბავშვო ბაგა-ბაღის 5-6 წლიანთა ჯგუფში, პედაგოგმა ნაიკო რეხვიაშვილმა თავის აღსაზრდელებთან ღია გაკვეთილი ჩატარა. გაკვეთილის თემა გახლდათ სამშობლოს თემა სათაურით „როგორც უფალი, სამშობლოც, ერთი ქვეყანაზედა“. ღია გაკვეთილი ჰიმნით დაიწყო პატარებმა. შემდეგ კი ბავშვებმა უპასუხეს კითხვებზე: რა არის ჩვენი სამშობლო, რომელია საქართველოს დედაქალაქი, ვინ აღმოაჩინა თბილისი, რამდენი წლის გამოედა ვახტანგ გორგასალი, სად არის ვახტანგ მეფე დაკრძალული, რა ენაზე ვსაუბრობთ ქართველები და ვინ შემოიტანა საქართველოში ქრისტიანობა! პედაგოგმა ნაიკოთა ანა კალან-

დაძის ლექსი „მოდოდა ნინო მთებით, მოდოდა“, ბავშვებმა დახატეს საქართველოს დროშა. შესრულდა ცეკვა „ქართული“, აქვე განმარტეს, თუ რომელია ქართველების ეროვნული სამოსი, აღნიშნეს, რომ საქართველოს ჰიმნის ტექსტის ავტორია დავით მაღრაძე. აღსაზრდელებმა წაიკითხეს ლექსი სამშობლოზე, სადაც ძალიან კარგად ჩანს ჩვენი ქვეყნის ღირსებები. ბავშვებმა აღნიშნეს, რომ ისინი რუსთაველის, ვაჟას, ილიას, აკაკის, აღმაშენებლის, თამარის, ფიროსმანის, გალაქტიონის, ღვთისმშობლის, ქეთევანის, გოგებაშვილის ქვეყნის შვილები არიან. ბოლოს პატარებმა შეაჯამეს გაკვეთილი და გამოიტანეს დასკვნა, რომ თავდაც ყოველდღიური შრომით

და სწავლით თავისი წვლილი უნდა შეიტანონ ქვეყნის განვითარებაში, რათა წინაპართა დანატოვარი არ შებლალონ და ღირსეულად ატარონ ქართველობის სახელი. ამისთვის კი, მათ ყოველდღიურად უნდა ჰქონთ საკუთარ თავს, - რა გაგაკეთე სამშობლოსათვის?! ღონისძიებას უძღვებოდა პედაგოგი და აღმზრდელი ნაიკო რეხვიაშვილი, მონაწილეობას ღებულობდნენ თანამემწე ლიანა ელოიანი, ძიძა ირმა კიკილაშვილი, მუსიკის პედაგოგი ანა ლაპიაშვილი. ღია გაკვეთილი პატრიოტულ ნოტაზე გოგი დოლიძის ცნობილი სიმღერით „ქართველების ქართველობა დამილოცე, ღმერთო“ შესრულებით დასრულდა.

ლალი მხერცივილი



ფესტივალიდან გამარჯვებით დაბრუნდნენ

დედოფლისწყაროს კულტურისა და ძეგლთა დაცვის ცენტრმა კიდევ ერთი სიკეთე აჩუქა დედოფლისწყაროელებს. რამდენიმე თვეა, ჩვენს რაიონში გამოჩნდა 26 წლის ახალგაზრდა პედაგოგი ხვიჩა ალადაშვილი, რომელმაც სამეჯლისო ცეკვის ხელოვნებასთან ზიარების საშუალება მისცა აქ მაცხოვრებელ ახალგაზრდობას. დედოფლისწყაროს კულტურული ცხოვრება კი, კიდევ უფრო გახალისდა და გამრავალფეროვნდა. კამათს არ საჭიროებს ის, რომ რაიონში ამ სიახლის ჩუქების საქმეში ჩვენი ხელმძღვანელობის კეთილი ნება და სურვილი დიდ როლს თამაშობს.

შედეგად, 2016 წლის ოქტომბერ-ნოემბრის თვეებიდან დედოფლისწყაროს

მაზი და ბედნიერი ბავშვობის წლებია. შემდეგ ოჯახით ჩამოვედით თბილისში და აქაც გავაგრძელე ცეკვა.

- ცეკვაში პედაგოგიურ მოღვაწეობას როდის მოკიდეთ ხელი?

-თბილისში 9 წლის წინ ჩამოვედით, ჩამოსვლისთანავე მივედი აქაურ ცეკვის სტუდიაში და აქაც დავამთავრე 4 წლიანი ცეკვის სტუდია, ანუ თბილისური დიპლომიც ავიღე. საერთოდ, ცეკვა ბევრ მუშაობას მოითხოვს, თუ მთლიანად არ მიუძღვენი თავი, შედეგზეც არ უნდა გქონდეს პრეტენზია. სწორედ იმიტომ, რომ არ გამეწყვიტა ცეკვასთან კავშირი, აქაც დავამთავრე სტუდია და ქართული დიპლომიც დავიჭიროე ხელში.

- როგორ მოხდით დედოფლისწყაროში და რამ განაპირობა თქვენი აქ ჩამოსვლა?

-თბილისში მაქვს ჩემი სტუდია და უკვე წლებია, ვასწავლი. რამდენიმე თვის წინ ტელევიზიიდან გავიგე, რომ ქალბატონ ნონა ჯიბლაშვილს დედოფლისწყაროში სურდა სამეჯლისო ცეკვის სტუდია შეექმნა და სჭირდებოდათ პედაგოგი. ვინაიდან წარმომავლობით დედოფლისწყაროდან ვარ და აქ ნათსავებიც მყავს, გამოვთქვი მზადყოფნა, რომ, თუკი დედოფლისწყაროში ახალგაზრდებს ჰქონდათ სურვილი ესწავლათ ეს ცეკვა, მე არ დავიხვედნი უკან. შემეხშიანენ და ასე აღმოვჩნდი დედოფლისწყაროში. ჩემი აქ ყოფნა განაპირობა ისევე და ისევე ჩემი პროფესიის დიდმა სიყვარულმა, მე მინდა რეგიონის ბავშვებსაც მიეცეს საშუალება სამეჯლისო ცეკვების დაუფლების და არ გახდეს ბარიერი მათთვის ის, რომ ისინი ქალაქში არ ცხოვრობენ და ამის გამო ვერ სწავლობენ სამეჯლისო ცეკვებს. ჩემთვის მთავარია, ბავშვებს ცეკვა შევავსო. ვისაც ცეკვა უყვარს, ყველას მიუწვდებოდეს ხელი მის სწავლაზე. მთელი სული და გული მაქვს ჩადებული ამ საქმეში. მე მათ ვასწავლი ისე, რომ ჰქონდეთ მიღწევები.

- კვირაში რამდენი დღე ტარდება გაკვეთილი?

-კვირაში ორჯერ, კულტურის ცენტრის დარბაზში ვატარებთ. მაღლობა ქალბატონ ნონას იმისთვის, რომ დარბაზს გვითმობს და აქვს სურვილი, ამ რაიონის ბავშვებს ხელი შეუწყოს ყოველმხრივ განვითარებაში.

- რაც შეეხება ფესტივალს, სადაც

ცოტა ხნის წინ ჩვენი მოცეკვავე ბავშვები გავიდნენ, თქვენ სულ რამდენიმე თვიანი მუშაობის შედეგი წაიღეთ და საოცარი შედეგებით დაბრუნდნენ ბავშვები, ამაზე მოვიყვებით.

- სტუდია „ლეგენდესმა“ ქალაქ თბილისში ჩატარა ფესტივალი, საქართველოს მასშტაბით, სადაც მონაწილეობას იღებდნენ თბილისის, ბათუმის, ქუთაისის, კახეთის მოცეკვავეები, რომელთა შორის დედოფლისწყაროს შემადგენლობაც გახლდათ. ჩვენ სწავლა დავიწყეთ 2016 წლის ნოემბრიდან, თუმცა არც ერთი დღე არ გავიცდენია და ვმუშაობთ თავდაუზოგავად, სწორედ ნახევარწლიანი მუშაობის შედეგით წავიყვანე ბავშვები ფესტივალზე და ფაქტია, რომ რამდენიმე ბავშვისთვის პირველ ჯერზევე წარმატებული აღმოჩნდა ამ ფესტივალში მონაწილეობა. პატარების მონაწილეობამ ჩემს მოლოდინს გადააჭარბა. პირველი ადგილი მოიპოვეს ნეკილა ნიკა ჩიტოშვილი და ეკუნა ჩაგელიშვილი, მეორეზე გავიდნენ დაჩი შანშაშვილი და ნინო პაპუაშვილი. რაკი ბიჭები ცოტა გვყავს და მენვილები არ ჰყავდათ გოგონებს, ისინი მონაწილეობას იღებდნენ აგრეთვე სოლო ცეკვების ქვეჯგუფებში. სოლოებიდან გავიდნენ და კარგი შედეგი დადეს მარიამ ალუღიშვილი, რომელმაც ორი ცეკვა შესარულა, ასევე ფინალში გადავიდნენ სოლოებიდან ნინო პაპუაშვილი, ბარბარე ჩაგელიშვილი, ანელი ნარუსიშვილი, თათია ბოჭორიშვილი, ნინო ნატროშვილი, რომელიც პირველ ადგილზე გავიდა. და ეს ყველაფერი ნახევარი თვლინადის შრომის შედეგად. მე მინდა, თითოეულ ჩემს მოსწავლეს დიდი მომავალი ვუსურვო ცეკვაში.

- მაღლობა საუბრისთვის და იმისთვის, რომ თქვენთვის ძვირფასი დრო დაგვითმეთ. წარმატებები და მრავალი აღსაზრდელი თქვენს სტუდიას.

-მაღლობა თქვენ, რომ ირჯებით იმისთვის, რომ ხალხმა გაიგოს ჩვენი საქმიანობის შესახებ, მინდა მეტმა მშობელმა გაიგოს ამის შესახებ, მოიყვანონ თავისი შვილები, ატარონ ამ ცეკვაზე და შეხედონ თავისი შვილების შესაძლებლობებს.

სამეჯლისო ცეკვის სტუდიის ჩამოყალიბებასთან დაკავშირებით ჩვენ ვესაუბრეთ თავად კულტურისა და ძეგლთა დაცვის ცენტრის დირექტორს

ქალბატონ ნონა ჯიბლაშვილს.

-ოქტომბერში ტელევიზიით გამოვაცხადე, რომ ვისურვებდი სამეჯლისო ცეკვის წრე გაგვეხსნა დედოფლისწყაროს კულტურის ცენტრში. გამომეხმაურნენ. ხვიჩა ალადაშვილი 26 წლის ბიჭია, მაგრამ საოცრად კარგი სპეციალისტია, თავდადებული, მონესრიგებული, პასუხისმგებელი, ჯერ ერთი გაკვეთილი არ გაუცდენია ბავშვებისთვის, საოცრად შეღავათიან ფასებში ამეცადინებთ ორ ასაკობრივ ჯგუფს. მოგეხსენებათ, თბილისში ამ ცეკვების სწავლება ას ლარზე ნაკლები არ ღირს, მან კი რეგიონის შესაძლებლობების გათვალისწინებით, სულ რაღაც 20 ლარად დაინყო ბავშვების მეცადინეობა და თქვენ წარმოიდგინეთ, ნაკლებგადახდისუნარიან ოჯახებს, რომლებსაც მართლა გულით სურთ, ისწავლონ ეს ცეკვა, შეღავათებასაც უნესებს, იმდენად ადამიანური ახალგაზრდა პედაგოგია. ფაქტურად ენთუზიანზე მუშაობს. ამას ჰქვია საქმის სიყვარული და ერთგულება. კვირაში ორჯერ 250 კილომეტრს გადი-გამოდის იმისთვის, რომ დედოფლისწყაროში კიდევ ერთი სიახლე შემოიტანოს, ეს ძალიან დასაფასებელი და შესაქებია. მოხარული ვარ, რომ ეს წრე ჩვენს კულტურის ცენტრში ამუშავდა და მეტსაც გეტყვით, ბევრი ბავშვი ნიჭიერი აღმოჩნდა და საუკეთესოდ დაეუფლა ამ ცეკვის ხელოვნებას. ფესტივალზე გასასვლელად პატარა მოსწავლეებმა თავად შეიკერეს და შეიძინეს სამოსი, ხოლო ზედა ასაკის ჯგუფს ჩვენ შეუუძინეთ. იმედია, მომავალშიც მოგვეცემა საშუალება, ხელი შევუწყოთ ამ ბავშვების ფესტივალზე ღირსეულად წარდგენას.

ლალი მხერცივილი



კულტურისა და ძეგლთა დაცვის ცენტრში ახალგაზრდა პედაგოგის ხვიჩა ალადაშვილის მუშაობა იმდენად წარმატებული აღმოჩნდა, რომ ჩვენი სამეჯლისო ცეკვის წრის მოსწავლეები სულ ცოტა ხნის წინ, უკვე თბილისის ცეკვის ფესტივალზე აღმოჩნდნენ, საიდანაც ბავშვები პირველი და მეორე ადგილებით და ჯილდოებით ხელდაშევენებულები დაბრუნდნენ. ნაყოფიერი მუშაობის დეტალებზე თავად პედაგოგთან ხვიჩა ალადაშვილთან ვისაუბრეთ.

- ბატონო ხვიჩა, როგორ დაიწყეთ ცეკვა და როდის აღმოჩნდით ამ ესოდენ მომხიბვლელი ცეკვის სამყაროში?

- ცეკვა 12 წლის ასაკიდან დავიწყე, როდესაც ჩემი ოჯახით რუსეთში ვცხოვრობდი, იქ დავამთავრე სტუდია და ავიღე დიპლომიც, ცხადია, ამ ხნის მანძილზე არაერთ კონკურსში და ფესტივალში მიმიღია მონაწილეობა, ეს საკმაოდ ლა-



საადგომო წირვა-ლოცვა

დედოფლისწყაროს მუნიციპალიტეტის გამგებელი ნიკოლოზ ჯანიაშვილი და სიღნაღი-დედოფლისწყაროს მაჟორიტარი დეპუტატი ირაკლი შიოლაშვილი ქ. დედოფლისწყაროს ღვთისმშობლის მიძინების სახელობის ტაძარში დაესწრნენ საადგომო ლიტურგიას, რომელიც ხორნაბუჯისა და ჰერეთის ეპისკოპოსმა, მეუფე დიმიტრიმ (კაპანაძე) სხვა მღვდელთმსახურებთან ერთად აღავლინა. დედოფლისწყაროს მუნიციპალიტეტის გამგებელმა ნიკოლოზ ჯანიაშვილმა მოსახლეობას ადგომის ბრწყინვალე დღე-

სასწაული მიულოცა: - „ქრისტე აღდგა! მინდა ყველას მოგილოცოთ მაცხოვრის აღდგომის ბრწყინვალე დღესასწაული. ეს დღე გამორჩეული და განსაკუთრებულია! აღდგომა საყოველთაო განახლებისა და სიცოცხლის სიკვდილზე გამარჯვების დღეა. ამ სასწაულმა სრულად შეცვალა ადამიანთა წარმოდგენა რწმენასა და იმედზე. კიდევ ერთხელ გილოცავთ ამ ბრწყინვალე დღესასწაულს, გისურვებთ სულიერ სიმშვიდეს, ბედნიერებას, ჯანმრთელობასა და სიხარულს.“



საქართველოს კათოლიკოს-პატრიარქის საადგომო ეპისტოლე

(მეექვსე გვერდიდან)

სახელზე აღსრულებული ქველისსაქმენი, თვით ჯოჯოხეთიდანაც იხსნის იმ ადამიანთა სულებს, რომლებიც სინანულით აღსრულნენ, თუმც კი საქმით ვერ მოასწრეს ეჩვენებინათ ამის ნაყოფი. ასეთნი გამოხსნადნი არიან და ჩვენი ვალაია, ვიზრუნოთ მათთვის. რაც შეეხება ცხონებულთა მდგომარეობას, მართალინ,

იციის, მაგარამ ბევრსაც სწორი წარმოდგენა არა აქვს, ამიტომაც ამ თემას შევეხეთ. რაც შეეხება ამქვეყნად მყოფთ: ჩვენ ერთმანეთს ხანგრძლივ და ჯანმრთელ სიცოცხლეს ვუსურვებთ ხოლმე და ამისათვის მეტ-ნაკლებად ყველანი ვზრუნავთ, მაგრამ ყველა არ ზრუნავს იმისათვის, რომ სწორად, ღვთისნიერად იცხოვროს; არადა, სიცოცხლის ხანგრძლივობა უფლის

ნათლისმცემელი, რომორც ბჰასნავლის იესო ქრისტეა. იგია სასწაულთმოქმედი ნამალი ჩვენი სულიც! სინანული ზატიური ნიჭია და წყალობაა, რომელიც ღვთის მსჯავრსაც კი სცვლის; სცვლის პიროვნებასადმი რომორც შემოქმედის, ისე მოყვასის დამოკიდებულებას. მიქავე, ქურდიც, ამპარტავნიც, მოჟურნაც, ლოთიც, შურაცხემყოფილიც და მოქალაქეც... გულწრფელი სინანულით, აღსარებითა და ზიარებით მთელ ჭშუქს იცილებს და ბოროტებას ასამარებს. სინანული სინდისის განმანათლებელია, ნათლისღების განახლების ბანახლეა, ცოდვით მომკვდართა აღდგომა და ღმერთთან კავშირის განახლების ბანახლეა, ოღონდ მხოლოდ იმ შემთხვევაში, თუ იგი ჩაღვინილი ცოდვის შესაბამისი იქნება. უფლისათვის ცოდვის სიმძიმე იმდენად გამანადგურებელი არ არის, რამდენადაც გამოსწორების სურვილის არქონა. ხოლო ცოდვით თავმონებუ ან საზოგადოებისთვის მისი თავსმოხვევა გაცილებით დიდი დანაშაულია. უნდა ვიცოდეთ ისიც, რომ სინანული დროის ხანგრძლი-

ვობით არ განისაზღვრება, არამედ განცდის სიღრმით, რადგან სხვა არის სამართალი ღვთისა და სხვა ადამიანისა. ამასთან სულიერ კიბეზე ამაღლება ნებისმიერ პიროვნებას ნებისმიერ დროს, ნებისმიერი ადგილიდან შეუძლია და ამ წუთისოფელში არ არსებობს ბოროტება, არ არსებობს ისეთი დაცემული მდგომარეობა, საიდანაც უფლისაქედ მოგზავნა იყოს შეუძლებელი, რადგან არ არსებობს ისეთი ცოდვა, რომელიც აღებატება ღვთის სიყვარულსა და მონებას. გავისხენოთ ვნების კვირაში განვითარებული მოვლენები: გამცემელი იუდა, უფლის სამგზის უარყოფელი, — გულმხურვალე მოციქული პეტრე, შეშინებული მოწაფეები, ერთგული იოანე და მენალ-საცხებლე დედები, ფარული ქრისტიანები, პირადი კეთილდღეობისათვის უსამართლო მსჯავრის გამომტანი პილატე, ასევე უსამართლო სინედრიონი, მათ მინდობილი გულუბრყვილო ხალხი და სხვანი. გავისხენოთ ორი ავაზაკიც, ისინი ხომ ჯვარცმამდე, ფაქტიურად, მსგავსი ცხოვრებით ცხოვრობდნენ და ერთი ხვედრი ამიტომაც ერგოთ. სულ ბოლო მომენტში, კი, — ჯვარზე, — მათი გზები რადიკალურად გაიყო: ერთმა სინანულითა და ქრისტეს რწმენით სამოთხე დაიპყვინდა, მეორემ კი, უტიფრობითა და უგულისხმობით, — ჯოჯოხეთი. თითოეულ ჩვენგანს ჩვენი

გზა და ჯვარი გვაქვს. როგორი იქნება იგი და სადამდე მივიყვანს? ინებოს ღმერთმა, ჩვენც ჩვენი გულწრფელობითა და ცოდვის განცდით მაცხოვრის შეწყალების ღირსნი გავხდეთ და საყოველთაო აღდგომის დღეს ჩვენც განგვეცხადოს მისი სიტყვები: „მოვედით, კურთხეულნი მამისა ჩემისანო, და დაიპყვიდრეთ სამყაროს შექმნიდან თქვენთვის განმზადებული სასუფეველი“ (მთ. 25, 34). გიხაროდეთ, ქართველნი, აფხაზნი, ოსნი, უდინნი, ქურთნი, იეზიდნი, ბერძენნი, რუსნი, უკრაინელები, აზერბაიჯანელები, სომეხნი, ებრაელები, ქისტნი, ჩეჩენნი, ლეკნი და ყოველნი შვილნი ივერიისა, ჩვენს სამშობლოში მკვიდრნი და ქვეყნის საზღვრებს გარეთ მცხოვრებნი, სიკვდილი შეიმუსრა! ქრისტე აღდგა! უფალი მეფობს! სიყვარულით თქვენთვის მლოცველი ილია II სრულიად საქართველოს კათოლიკოს-პატრიარქი მცხეთა-თბილისის მთავარეპისკოპოსი, ბიჭვინთისა და ცხუმ-აფხაზეთის მიტროპოლიტი თბილისი, აღდგომა ქრისტესი 16.04. 2017.



ისინი ზაცად ნებარებან, მამრამ თავისი რწმენისა და ღვთის სრულ საზღაპურს ისინიც მაცხოვრის მიორად მოსვლისას მიიღებან. ეს არის მართლმადიდებელი ეკლესიის სწავლება, რომელიც, რა თქმა უნდა, ბევრმა

ნებაზეა დამოკიდებული, სწორად ცხოვრება კი, — ჩვენზე. შევთხოვთ ღმერთს, ეს იქცეს ყოველი ადამიანის უმთავრეს მიზნად. — რით დავიწყოთ? — სინანულით, რომორც ბჰასნავლის წმინდა იოანე

მწარებელი არ არის, რამდენადაც გამოსწორების სურვილის არქონა. ხოლო ცოდვით თავმონებუ ან საზოგადოებისთვის მისი თავსმოხვევა გაცილებით დიდი დანაშაულია. უნდა ვიცოდეთ ისიც, რომ სინანული დროის ხანგრძლი-

ელგუჯა თეთვაძე ოჯახით თანაგრძნობას უცხადებს გივი ლაზვიაშვილს დედის რუსულან ჯაპახიშვილის გარდაცვალების გამო.

გამოსათხოვარი

ლამარა გონაშვილი



გარდაიცვალა ქ. დედოფლისწყაროს №1 საჯარო სკოლის დამსახურებული პედაგოგი, ქართული ენისა და ლიტერატურის ბრწყინვალე მასწავლებელი ლამარა გონაშვილი-პოპიაშვილი. მისმა სიკვდილმა ბევრ ადამიანს ატკინა გული. ის არამარტო საუკეთესო პედაგოგი, არამედ ბრწყინვალე მეუღლე, დედა, ბებია და თანამშრომელი იყო. ძნელია ჩემთვის მასზე წარსულში ლაპარაკი. ის თავისი აღზრდილების და კოლეგების გულში ყოველთვის დარჩება თბილ და კეთილ ადამიანად. ყოველთვის გვემახსოვრები, საყვარელო დედაც, შენს შვილებს, რძალს და შვილიშვილებს. მსუბუქე იყოს შენს გულზე დაყრილი მინა.

შვილი გია პოპიაშვილი ოჯახით. დაკრძალა 18 აპრილს დედოფლისწყაროში.

მონაბრძა

გიორგი (ჟორა) კვინინაშვილი

ჩვენო ტკბილო, გულიანო ადამიანო, ძალიან დაგვაკლდი. მიუხედავად იმისა, რომ ახალგაზრდა აღარ იყავი, შენმა სიკვდილმა უზომოდ დაგვწყვიტა გული. საოცრად კეთილი, ყურადღებიანი კაცის სახელით გიცნობდა ყველა, ასეთი კი ბევრი არ იყო დედოფლისწყაროში. შენი ბავშვობა საკმაოდ მძიმე იყო, ობლობის მწარე ხვედრი შენს თავზე გამოსცადა. მართალია, ყველას უჭირდა მამინ, მაგრამ ქვრივმა მამიდან მეოთხე შვილივით გაგზარდა და არაფერი მოგაკლო. სკოლის დამთავრების შემდეგ რუსთაველი ხელობასაც დაეუფლე და ცეკავშირის სასწავლებელიც დაამთავრე. მთელი შენი შეგნებული ცხოვრება დედოფლისწყაროს სასურსათო მაღაზიის გამგე-გამყიდველად მუშაობდა, ყველგან პატიოსანი, კარგი მუშაკის სახელი გქონდა. დედოფლისწყაროში დაოჯახდი და სამი კარგი შვილი გაუზარდე სამშობლოს.

82 წლის ასაკში, 2017 წლის 17 მარტს დაემშვიდობე ამქვეყნიურ სამყოფელს, შენს შვილებსა და შვილიშვილებს და გადაინაცვლე სხვა სამყაროში. ამბობენ, ვინც ამქვეყნად შთამომავლობას ტოვებს, ის არასოდეს კვდება — ჩვენ გვეყვარა ამის, რადგან შენი შვიდი შვილიშვილი შენს შვილებთან ერთად ყოველთვის მოგიგონებს, აგინებს სანთელს და ღმერთს შეავედრებს შენს სულს! უფალმა დაუმკვიდროს სასუფეველი შენს სულს, ამაგიანო მამაც და პაპავ!

შენი ოჯახი

ყურადღება:

გინვებით!

გაზეთმა „საქართველოს ლირიკა“ და საქველმოქმედო საზოგადოებამ „ამაგდარი“, საქართველოს მოსახლეობის გამოკითხვის საფუძველზე, გამოავლინა გამარჯვებულები ნომინაციაში „წარმატებული ოჯახი წარმატებული ქვეყნის სწინდარი“. აღნიშნულ ნომინაციაში გამარჯვებულები არიან: ამირან არაბული და ეთერ თათარაძე, ჯემალ და მანანა ბაღაშვილები თბილისიდან, რომან მჭედლიშვილი და ნინო გომარეთელი ბორჯომიდან, გივი ღვინიაშვილი და რაბინა ჯანიაშვილი, იაგო ყოჩიაშვილი და ლია ხუციშვილი, სოსო და მარინე თივაშაძეები დედოფლისწყაროდან.

29 აპრილს, დღის 2 საათზე, სამუსიკო სკოლის საკონცერტო დარბაზში მოხდება ნომინატების დაჯილდოება. ღონისძიება დაიწყება დედოფლისწყაროს ღვთისმშობლის მიძინების ეკლესიიდან 1 საათზე, სადაც გაიმართება ჯვარდაუნერგელი წყვილების ჯვრისწერა. კონცერტში, რომელიც სამუსიკო სკოლის საკონცერტო დარბაზში გამარჯვებულ წყვილთა საპატივსაცემოდ გაიმართება, მონაწილეობას მიიღებენ: ბიბა ბაღაშვილი – ყველასთვის საყვარელი მუსიკოსი და მუსიკათმცოდნე, „ქუჩის მუსიკოსების“ მუსიკალური ხელმძღვანელი, ფოლკლორული კვარტეტი „ქესანე“ და მისი ხელმძღვანელი, შეუდარებელი ლელა თათარაძე, საპატიო სტუმრის სტატუსით გვეწვევა საქართველოს დამსახურებული არტისტი, გინესის რეკორდების გამარჯვებული მანონი ჟუბანაიშვილი, ოპერისა და ბალეტის ახალგაზრდა სოლისტები ლევან მაპარაძე და ბიორბი ნამალაშვილი. მათ მხარს დაუშვენიერებენ ჩვენი რაიონისთვის კარგად ცნობილი და საყვარელი გოგონები: „ღებო ლოლაშვილები“ და „ღებო ყოჩიაშვილები“.

მოზრანდით, მემოზრანო, ასეთი საინტერესო და მრავალფეროვანი საკონცერტო პროგრამის მოსმენის საშუალება იშვიათად თუ მოგვცემა.

სამოზრანოვანი კომიტატი

სამი დედოფლისწყაროელის სამი ოქრო

რამოდენიმე დღის წინ ქ.ერევნიდან დაბრუნდა საქართველოს ტალიანდური კრივის ნაკრები გუნდი (ფედერაციის პრეზიდენტი გოჩა ჯავახია) რომელიც მონაწილეობდა სხვადასხვა ქვეყნებთან ერთად საერთაშორისო ტურნირზე.

საქართველოს ნაკრებმა IFMA-ს ეგიდით მიმდინარე შეჯიბრზე წარმატებებით იასპარეზა და სხვადასხვა სინჯის მედლით დაბრუნდა.

საქართველოს ნაკრების შემადგენლობაში დედოფლისწყაროს გუნდი „ჩემპიონი“-ს სამი სპორტსმენი ირიცხებოდა: მალხაზ ჯავახიშვილი 45კგ; ამირან ქიბიშაური 54კგ; ირაკლი ჯამასპიშვილი 71კგ (მწვრთნელი თამაზ ყარაგვეზაშვილი)

სასიხარულოა, რომ ჩვენი რაიონის სამივე სპორტსმენი ჩემპიონის ტიტულით და ოქროს მედლით დაბრუნდა.

როგორც აღნიშნა ფედერაციის პრეზიდენტმა გოჩა ჯავახიამ, დედოფლისწყაროელმა სპორტსმენებმა გამოავლინეს კარგი ფიზიკური და ტექნიკური მომზადება და ყველა ორთაბრძოლა აშკარა უპირატესობით დაასრულეს.

სპორტული გუნდი „ჩემპიონი“-ს სპორტსმენებს ვულოცავთ წარმატებას და ვუსურვებთ, ასევე გამარჯვებებით გაეგრძელებინოთ სვლა ევროპის და მსოფლიო ჩემპიონატებისკენ.

ულოცავენ!

ლარი კვაჭანტირაძეს!


ძვირფასო ლერი, მონატრებული სიყვარულით გილოცავთ დაბადების საიუბილეო თარიღს – 80 წლისთავს! რადრო გასულა, ძალიან ცოტანი დავრჩით, ჩამოდი, მოვეფეროთ ერთმანეთს. გკოცნით დიდი სიყვარულით.

შენი თანაკლასელები:

ნათელა გილიაშვილი,

მიგოზა გოგილაშვილი, ლანა ბაჟანიშვილი

კროსვორდი



1. მუსიკალურ-დრამატული ნაწარმოების სახესხვაობა.
2. თითოეული წარმომადგენელი იმ დინასტიისა, რომლებიც ძველ სპარსეთს ედგნენ სათავეში.
3. ერთგვარი საგანგებო-საზეიმო სამოსი მამაკაცისა.
4. მშობლიური სოფელი ბატონი რევაზ ინანიშვილისა.
5. იტალიელი ფეხბურთელი, მცველი.
6. ერთ-ერთი ყველაზე პოპულარული მსახიობი თანამედროვე ჰოლივუდისა.
7. სინათლის სხივის გარდატეხა-გაჭოლვისას წარმოქმნილი ზოლი.
8. ის, ვისაც 25-30 წლის წინანდელ საბჭოეთში „ალო“-ს ძახილით დაეძებდნენ ტელევიზიაში.
9. რა არის ამორტიზაცია თავისი არსით?
10. ერთ-ერთი მთავარი პერსონაჟი ანტონ ჩეხოვის პიესისა „თოლია“.
11. თანამედროვე რუსული პოლიტიკის ერთ-ერთი ლიდერი, თბილისის საპატიო მოქალაქე.
12. დანაშაული ანუ რა?
13. ფსევდონიმიური „სტატუსი“ კაცისა, რომელიც 12 წელი „პოლშის ციხეში მალაო“.
14. ჩვენებური ტოპონიმი, რომელსაც უკავშირდება „ტაძარიც“ და „ღვინოც“.
15. სამცხე-ჯავახეთის უძველესი თავადური დინასტიის გვარ-წოდება.
16. თივის კონფიგურაციული სახესხვაობა.
17. გულუბრყვილო ქალის როლის შემსრულებელი მსახიობის ამპლუა.
18. 1990 წლის მსოფლიო საფეხბურთო ჩემპიონატის საუკეთესო ფეხბურთელი და ბომბარდირი.
19. ქალაქი სამხრეთ იტალიაში.
20. მიმდევარი იმ პოლიტ. მიმდინარეობისა, რომელიც ეკლესიის გაველენის გაძლიერებას ცდილობს სახელმწიფოს კულტურულ-საზოგადოებრივ ცხოვრებაში.
21. საფრენი აპარატების სპეციალური მონწყობილობა.
22. ერთ-ერთი ყველაზე ცნობილი დეტექტივი მსოფლიო ლიტერატურისა.
23. რა ერქვა ქალბატონს, რომელიც მღეროდა - „ქარი კვლავ არსვეს, ნაცნობ ლელიანს“-ო?
24. ზრდადასრულებული ქალების გასალამაზებელი საშუალება.
25. მხედველობითი ნაკლის მქონე პიროვნება.
26. ვენური სისხლის შეგუბება.
27. რა ჰქვია კიევის აეროპორტს?
28. ძალზედ მცირე წონის ანუ როგორი?
29. შესანიშნავი ქართველი მოცეკვავე ქალბატონი (.....) ფოჩიანი.
30. ვედიზმის მიხედვით: ჭექა-ქუხილისა და ქარიშხლის ღმერთი.
31. ნიუ-იორკის ერთ-ერთი ყველაზე ცნობილი ქუჩა.
32. ქართული ჭიდაობის ილეთი.
33. კაცი, რომლის სახელსაც ქალაქ ტროას აღმოჩენა უკავშირდება.
34. გულისათვის დამახასიათებელი ქმედება.
35. „ბითლზის“ ანსამბლის ერთ-ერთი წევრი.
36. დასახლება სოხუმის მახლობლად, ერთდროს ფეხბურთელთა გამოსაზამთრებელი ადგილი.
37. მუსიკალური ნაწარმოების სანოტო ჩანაწერი.
38. რა ჰქვია ყოველ მიმდევარს იმ რელიგიისას, რომელიც თითქმის მთელ ინდოეთში დომინირებს?
39. ასე ვთქვათ, საბირჟო ალებ-მიცემობა თუ გაცვლა-გამოცვლაში აქტიურად ჩართული საქმისანი.
40. ყვავილი, რომლის „ველურობითაც“ ერთი ცნობილი ვიდეოფილმის შემქმნელი დაინტერესდნენ.

ყურადღება!

შპს „გაერთიანებული წყალმომარაგების დედოფლისწყაროს სერვის-ცენტრი“ გაცნობებთ, რომ დედოფლისწყაროს ცენტრალური რეზერვუარის საგაზაფხულო რეცხვის გამო 26 და 27 აპრილს მოსახლეობას შეუწყდება წყალმომარაგება. გთხოვთ, გაითვალისწინოთ.

შპს „გაერთიანებული წყალმომარაგების დედოფლისწყაროს სერვის-ცენტრი“ ბოდიშს გიხდით დისკომფორტისთვის.

ყურადღება!

იყიდება ოროთახნახევრიანი (2,5) კუთხის ბინა ლოჯიით, აქვს სარდაფი, კაპიტალური ავტოფარეხი, სათავსოები (სალონო, საქათამე). ავტოფარეხის წინ არის გადახურული და შემოღობილი ადგილი. ბინა უზრუნველყოფილია ბუნებრივი აირით, წყლით და ელექტროენერგიით. მისამართი: ქ.დედოფლისწყარო, თბილისის ქ. N21, კორპუსი 37, მეხუთე სართული, ბინა N15.

☎ 591 93 -71-64

ამინდი

| | | | | | | | | | | | | | |
|------------------------------|-------------------------------|-------------------------------|-------------------------------|------------------------------|----------------------------|--------------------------|-----------|-------------------------------|-------------|----------------------------|-------------|---------------------------|-------------|
| ორშაბათი 24.04 დღე 10° | სამშაბათი 25.04 ღამე 9° | ოთხშაბათი 26.04 დღე 10° | სამშაბათი 27.04 ღამე 7° | პარასკევი 28.04 დღე 8° | შაბათი 29.04 ღამე 7° | კვირა 30.04 დღე 9° | დღე 8° | პარასკევი 28.04 დღე 11° | ღამე 10° | შაბათი 29.04 დღე 13° | ღამე 12° | კვირა 30.04 დღე 15° | ღამე 14° |
|------------------------------|-------------------------------|-------------------------------|-------------------------------|------------------------------|----------------------------|--------------------------|-----------|-------------------------------|-------------|----------------------------|-------------|---------------------------|-------------|

| | | | |
|--|---|---|---|
| გამომცემელი შპს „შირაქი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილში მოყვანილ ფაქტებსა და ციფრებს პასუხს ავებს ავტორი. | სარედაქციო კოლევია: ლალი მხრინიშვილი, ილია მარტყოფლიშვილი (ყურნალისტები); ელზა ხარაშვილი (სტილისტ-მენეჯერი); ნათელა ზოსტაშვილი (ბუღალტერი); ნინო ჰანაშვილი (ოფის-მენეჯერი); მზია ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში. | რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი) | რეგისტრირებულია დედოფლისწყაროს რაიონის სასამართლოს მიერ, №6014-468. |
|--|---|---|---|